

溫志創於張令第萬歷紀年之五也歷國朝而李令若虞張令
明達承謨奉憲檄將事凡三加纂焉其華受任茲土甫蒞任
邑志人文非不粲列而斟酌失宜郭熙方技也而混於儒林關
職官也而列於僑寓登靳丞之獎亂實五家之妄冒煩冗猥雜久
欲大加裁定簿書鞅掌軍務倥偬不遑也客歲歲晚務閒乃
延武陟孝廉苗與邑之紳士吳正日等
以葦鍵戶閉閤焚
膏繼晷刪改不厭其煩折衷要期於當缺者補之訛者正之交之
汗漫者節之事之失者汰之間亦附以鄙見商榷參定三匝月
而畢爲圖十一表三志八凡十二卷志成例有序因綴辭以弁諸
首時乾隆二十四年二月下浣之吉知溫縣事

溫縣志

序

舊志序

萬歷可丑志

第筮仕邯鄲曾因鄉先生洛南張君作志矣萬歷甲戌自邯鄲講
溫至則憾遺文之散逸稽往事之無據每欲倣邯鄲志而修之但
地方久廢百事蠲集未遑也于茲三載例當考述合六曹之成
案而菁萃之宛然一全部也時又辱鄉先生尹之君子之命遂編
次成帙綱凡六目凡四十二間有所得卽疏于各事之末以見意
庸以補一方之闕俾後文獻者知所考焉時萬歷五年知溫縣事
崔平張第序

順治乙亥志

皇清啟運百度維新顧十餘年來郡邑之志猶仍勝國之舊非所
以示更始昭鴻烈也庶承乏治溫奉大司馬中丞賈公檄俾修志

溫縣志

序

二

志自愧閔左鄙人簿書俗吏文章一道未窺藩籬千秋大業何能
過而問焉乃不敢不仰承中丞賈公嘉與文獻至意造廬奉幣請
于鄉紳嵐令張解孝廉任居溫趙明綱貢士田九一趙月民屬其
蒐討故寔而彙集成書既告竣當序簡端竊惟志記也記已往所
以詔將來也其志從心之官惟思官茲土者披斯志也于建置
沿革則思古昔敦龐之遺風了疆圉山川則思慎固綱繆之要圖
于戶口田賦則思生聚教養之長計于學校人士思鼓舞興起之
芳模他如見前代之循績而思齊傷今日之凋敝思救皆所以
靖共爾位而有光載籍或庶幾無負中丞賈公宣昭文獻之盛心
若第虛文視之僅以脩稽考存故寔而已乎豈惟顧乃職而有黍
仰亦貽汗簡之羞順治十六年知溫縣事閩東李若虞序

康熙乙亥志

明達不敏於庚午初冬承乏治溫溫懷未屬也地瘠民貧履任後思欲一起凋敝而維新之奈年來旱魃肆虐逋賦不前日從事於催科弗遑與民休息每一念及徒津津汗下已耳適大中丞關公檄修邑志於學博侯重喜屬其蒐討故寔彙輯成書並延邑孝廉任善繼貢生張潛張璿張纘緒協力編摩兩越月上竣乃聞公遷撫滇地未及刻呈已顧公以大司馬來撫中七意文獻有同心焉特票刊刻明達復延邑鐸傳上襄洎原纂修諸紳士再同較訂列卷八分目二十有二上而星野下而疆域中而人物以及貢賦之制土產之宜傳記詩賦之章罔不備具雖然志也者非僅脩稽考存故寔而已也簿書之暇展卷披閱思建置沿革之何以得宜思疆域山川之何以鞏固思戶口學校之何以生聚而教訓且於田賦也思所以薄之風俗也思所以培之於孝義節烈也思所以

乾隆丙寅志

承謨謬承人乏猥以樗櫟之材於乾隆六年冬孟來理溫邑越三年而藩憲趙公檄飭各邑修輯志書承謨奉命悚惶念溫志自康熙庚午前令張君明達纂修之迄今五十餘年上間疆域建置之因革山川地土之異同風俗民情之淳漓學校人士之盛衰官師長佐之更易田疇物產之蕃庶與夫賦稅徭役之均平孝子順孫義夫節婦之有無多寡無一不關於政治無一不當考核精詳以昭示將來此非可泛泛從事者躊躇久之至十年冬月簿書清暇始進邑中之耆英賢士周君大律王君錫命韓君國棟輩共相商

權諸君皆諳練掌故於是發凡起例搜羅叅訂務期傳信而不傳
疑閱三月而告竣竊惟志猶史也非彰往無以察來龍門扶風父
子世掌典故研精覃思數十年而成書識者猶議其多所抵牾承
謨弁鄙何足語此况以今視昔淹數迥殊掛漏之譏其能免乎然
述往事詔來者俾前有所續後有所承後之君子不以覆瓿而
披閱一過未必非政治民生之一助云乾隆十一年知溫縣事三
韓張承謨序

修志姓氏

鑒定

李復郭傳集都察院有副都憲馮澤等處學政戶科給事中紀錄二次劉淵順慶州人及辰

提督河南等處學政戶科給事中紀錄二次劉淵順慶州人及辰

河南等處承宣布政使司布政使加九級紀錄十二次蘇嵩黃淮人

河南等處提刑按察使司按察使隨帶加一級軍功紀錄十二次圖壽順慶州人

督理河南通省糧儲驛鹽道加五級紀錄六次若東順慶州人

河南分守彰衛懷三府兼管河北河務兵備道加四級紀錄五次吳煥順慶州人

懷慶府知府軍功加二級紀錄十二次記大功二次薩商順慶州人

懷慶府黃沁同知加二級順慶州人

懷慶府糧捕水利通判加一級順慶州人

纂修 懷縣志 姓氏

三縣知縣軍功加一級紀錄十次記大功二次順慶州人

參訂

溫縣儒學教諭許禧溫縣人

溫縣儒學訓導王餘溫縣人

總修

候選知縣董京武全人

分修

原任南陽府葉縣教諭畢平邑人

候選直隸州判鄭瑋邑人

協理

溫縣典史張維邑人

督理

太

學

生吳顯業

繪圖

書

士馮憲傑

督刊

禮

書張居溫

溫縣志

姓氏

二

圖與書互相發明有圖卽不可無說昔人所以左圖右書也繪爲圖而繫以說開卷寓目瞭如指掌矣

州郡分割名號紛紜沿革爲志中第一眼目仿司馬年表之例以列朝爲編詳其隸傳披卷而源委無不昭晰

溫爲司馬氏粉榆之鄉封爵甚夥前此西京傳氏連如帝室分茅佩綬又非溫人而帶溫封號者纍纍相望舊志並缺今爲帝后外戚爵封一表而附於沿革削師瑁不書王其所自爲也

秩官一邑之尊者選舉一邑之秀者其中不無清濁之分淑慝之殊脩表之以資考鏡至疆場守禦之寄誰何寇賊奸宄州縣各有職掌舊志不載武弁不免闕遺今蒐輯其可知者列秩官表中

賜封之典褒崇臣子祖父一以廣錫類之仁一以勵篤棊之義舊溫縣志

志不列封贈特補入選舉表中若乃耆壽民秩以八品 國家尚齒雅意曠典難逢亦并表之而列其下

武途有科目有行伍溫無武甲榜而功加出身者亦寥寥故選舉表中合乙科行伍而一之摠曰武選云

古天子巡狩命太史陳詩以觀民風若舊志風俗太畧何以察其美惡乎茲編於冠婚喪祭歲時享賽聚會志之不厭其詳以俟主持風教者之轉而移焉

溫多古冢世遠渺不可知三家五冢九冢從其形而假以名而無名而強名爲某某之冢不如仍名三家五冢九冢之爲實也

學宮釋奠至大禮也進反周旋舞蹈鏗肅其物極水陸之產有籩豆樽俎之器某位陳設若何某器實某品某品何造作是雖有司之事而學士大夫不可不講明而熟習也故學校志卷帙繁富

國家輕徭薄賦每逢大慶大侵蠲糧賑粟恤農養老加意窮黎而
恩惠稠疊特補恩卹一條附田賦志中見 國家取於民者未嘗
不予之於民也

宦蹟記美不記惡則有勸而無戒矣載良吏之政績附以劣跡一
二非敢師心從武功志例也

記人物先其政績重有爲也儒林文苑不先於列傳史體類然故
志以勲望爲先良牧次之而後乃列儒林文苑焉

刪司馬懿不錄誅姦回於旣死春秋謹無將之意
司馬順不滿晉室革命至放廢不移高風亮節直可抗行首陽安
平王俛出其下矣舊志缺今補入

儒林經明行修有爲有守非簾閣據几口耳儒可彷彿也温公不
愧矣然自其祖陽遷夏六百餘歲而曰温人可乎至郭熙以技藝

温縣志 九例 二

列其間則拉雜不倫矣儒林傳列六人餘人別錄善言慎也

德者本也文藝末也孝弟尤儒者立身之大節忘其根本罔念昔
先雖學問淹富聲振一時必據實直書爲文人無行之戒

列女志其貞節不必烈節苦節也年三十以下守逾三十載合例
則書其損年以應例與年逾三十而寡者槩不濫錄遵定例也

藝文志始自班固漢書所列者書目耳取其類而彙之則助於昭
明文選志列藝文一門非史體是選文矣削去藝文名目文各與

事傳著不必尚藝文之名而藝文無不綴集矣

溫縣志 目錄

卷首

序 舊序 修志名氏 凡例 目錄

卷之一

圖說 室宿圖 壁宿圖 縣城圖 縣署圖 縣境圖
文廟圖 學宮圖 武廟圖 卜里書院圖 捍禦宮圖
灘地區號圖

卷之二

沿革表 帝王 妃后 外戚 爵封 邑人爵封

卷之三

秩官表上下 武弁附

卷之四

溫縣志

目錄

選舉表上下 地封秩壽附

卷之五

天文志 星野 災祥

卷之六

地理志上下 疆域 形勝 集鎮 山川 水利 津渡
風俗 古蹟 物產 陵墓

卷之七

建置志 城池 公署 倉廩 橋梁 河防 舖舍 碑坊
武備

卷之八

祠祀志 寺刹院附

卷之九

學校志上下 一學宮 祭器 樂器 陳設 伶生 書籍

卜里書院 藏書樓書籍 義學 鄉飲附

卷之十

田賦志上下 里甲 戶口 地畝 軍衛 賦稅 積貯

鹽課 雜稅 恩卹附

卷之十一

宦蹟志

卷之十二

人物志上中下 勲望 良牧 儒林 文苑 武畧 方正

孝義 隱逸 僑寓 藝術 列女 方外


溫縣志卷之一

圖說

圖之所不能寫而書以宣之書之所不能達而圖以象之左圖
 右書若輔車之相依也溫於懷慶雖云支縣分土不有星野乎
 啟閉不有管鍵乎敷政宣化不有衙署四境乎至若文廟武廟
 為國家秩祀之所學宮書院為髦雋選造之地為兆人禳苗患
 則捍禦有宮為百姓弭鬪訟則河壩有界皆圖與書相發明者
 謹一一繪之如左

溫縣志 卷之一 圖考

室宿圖說



丹元子步天歌室四星上有離宮出透室三雙
 有六星下頭六個雷電形星壁陣次十二星十
 二兩頭大似升陣下分布羽林軍四十五卒三
 為群軍西四星多難論子細歷歷看區分三粒
 黃金名鐵鉞一顆真珠北落師門東八魁九個
 子四西一省天綱是電傍兩黑土公吏騰蛇室
 上二十一



丹九千步天歌壁兩星下頭是霹靂霹靂五星橫著行雲
雨次之曰四方壁上天廡十圓黃鉄鎖五星羽林傍
排星經土工二星在壁下今歌內並無土工與星經五具
侯考

溫縣志

卷之二 圖考



縣城圖說

城東南隅磚秋瓦其餘皆土壘爲門三東迎恩西又曠
南弦歌舊池久湮知縣王其華重鑿深六尺廣一丈二
尺引水周城遍植楊柳在城分五地方廬舍稀比惟集
架山一帶民居稍疏




縣署圖說

縣署在城中前為照壁其東為鳳舞坊又東為典史署西為鷹揚坊照壁北為大門大門東為儀門左街神祠右貢賓館中為甬道進則儀門西為儀門中歷月臺而上為廳事其左右為庫房廳事兩旁為曹典史皮篋書更進則為二堂東西書房後為三堂其右為幕會其左為燕巖




縣境圖說

溫境界五縣東西廣而南北狹區為四路
中分三十六地方轄村莊一百六十有六
土皆平衍烟火茂密雞犬相聞故其俗織
檢勤事



圖考



四




溫縣志

文廟圖說

圖考





文廟在縣治東南其制大成殿居北東西兩廡前
 為戟門門左為更衣軒右為厨寮前為泮池又前
 為櫺星門東西為德配天地道冠古今坊衝櫺星
 門為屏牆左為崇聖門後為崇聖宮宮東為名宦
 祠西為鄉賢祠又東為文昌宮後為卜子祠

溫縣志

圖考

學宮圖說

儒學在文廟右前有照壁進為大門二門
 東齋西齋明倫堂後為敬一亭左為教
 諭宅西齋南為忠義祠東齋南為溫公
 祠祠後為訓導宅

